

重刊興化府志

同治十年秋九月開雕

重刊興化府志

本衙藏板

余由福甯調任興化於己巳四月抵任
下車即詢取府志邑紳士僉謂府志修
自前明宏治年間厥後板片已燬於火
聞有鈔本尚存不識在誰氏之手嗣有
邑職員陳蓮峰茂才陳實秋兄弟將家
藏鈔本府志送府謂此外別無他本余
惜此書之僅存鈔本也又恐鈔本難以
持久日後並不能常存也因與邑紳士

林方伯岵瞻郭司馬子壽共商之先將
此鈔本重刻以存其舊兩君咸以為然
復商之興糧廳楊運丞壽農意見相同
遂定議所有工資係余與楊運丞捐廉
給發補工資之不足者則邑徵君黃茹
薌襄成此舉也惟憑此鈔本重刻恐不
免別風淮雨之嫌雖經蓮峰諸君悉心
校閱然不敢云竟無錯訛也閱時乞諒

之如後之君子有意重修則存此始基
未必非秉筆者之一助云同治十年七
月知興化府事東萊林慶貽識



原序一

宏治己未歲陳公志學起江東來為興化府長吏時連歲大侵
地方藉虞朝夕之間慮有禍變公極力營救幸有以出民於塗
炭矣又明年辛酉廼開局南山僧舍延瑛與黃君仲昭修郡志
瑛謂吾郡自宋紹熙成志以來經今三百又十年矣元翻刻紹
熙本而不自修志國朝若永樂若景泰若岳若彭亦相繼修志
要之皆為未成之書也及聞是舉忻然就命入局瑛告黃君曰
是書頭緒多宜分治黃君曰君領總志予領人物志瑛曰惟君
命瑛聞之郡之有志猶國之有史也史記事體莫善於書後有
法之者司馬遷是也編年體莫善於春秋後世有法之者司馬
文正公及朱子是也今郡志蓋亦記事之體耳自祝穆氏為修

辭著方輿勝覽而史之體微矣於是告黃君別為義例定吏戶
禮兵刑工為六紀每紀提其要以為綱叙其事以為目凡遇成
制謹依全文收錄其他各推論本末得失以究事理之歸以附
於本紀之下黃君所修人物志則以類附於禮紀合之為卷五
十四綱六十五目二百五十七終篇所述皆以修政立事濟人
利物移風易俗為主中間是非予奪瑛與黃君分受其責而讐
校之功則張元紳洪永紹二君不可誣也自辛酉春入局癸亥
春出局為年再暮矣間為費多端皆擘畫於府而佐以縣每旬
月則與同官一來攜視瑛仰知公意在於銳志欲成此書至於
不惑浮言不奪於異議可見信瑛之篤瑛亦自念喪子以來雖
疾病纏綿幸而不死得以再盡所未言是則此書之成固人也

亦天也抑嘗評之公初政出民於塗炭此一時之功也若銳志而成此書以續數百年之曠典使有所考據而推行之則又百世之功也於戲休哉公名效志學其字也南陵縣人由辛丑進士歷南京戶部郎中陞臨安府知府丁母憂改知本府云
賜進士出身四川布政使司布政使欽蒙進階資善大夫致事
翠渠周瑛序

原序二

予家食時聞莆陽為文獻之邦及承乏是郡見夫科甲相望簪組蟬聯禮樂文物之盛信乎前言之有徵也他日索郡志於掌故氏僅得元延祐翻刻宋紹熙本其他無全書焉夫賢才典籍所自出也自宋迄今凡三百年而何濶疎一至於此蓋必有其故矣於時翠渠方伯周公未軒僉憲黃公皆委政家居二公學行表表聞於天下六經子史之外凡世故物理罔不究心而況莆為桑梓之邦其所尤悉者乎予故設局於南山僧舍謀補典籍不足特請二公以主之二公皆慨然曰吾志也當如請乃始事於宏治辛酉春終事於癸亥春共為書五十四卷予次第觀之廣大畢備纖悉不遺事核而理明初無藻飾附會之說乃哩

然歎曰志也者夫豈徒哉是教我以修政立事也是教我以濟人利物也是教我以移風易俗也我初欲補典籍之缺耳按志所言則我之為責益重矣乎雖然天下之事每成於有志而敗於自棄敢不策駕勵鈍黽勉從事期不為文獻之羞而凡吾徒官於此者皆不可以不勉也因書此以見吾志

宏治十六年三月下泮賜進士出身中順大夫知興化府事前南京戶部郎中南陵陳效序

凡例六則

一此書體統存六紀六紀立諸事順矣。

一六紀下各為綱目除成制外其他事類各論本末得失使可見於推行之實。

一府事鉅細皆書欲為政者不待取諸外而足。

一志書所言雖粗跡然性命之精微禮樂之奧妙實皆在是。若曰如牒設大爵不過一醉則此志可無作矣。

一郡無志以縣志為郡志蓋郡統行縣政者故修郡志而以縣志分屬之若重疊出則為失體。

一建興化軍自宋始故郡事採自宋以下如莆田仙遊二縣創置在先中間一二事或採自唐及五代以下。

一元不修郡志故一代事皆無所考間採元史或考廟記又
掇拾梁棟間諸題識輳補一二餘皆闕

一興化縣自宋太平興國五年建至國朝正統十三年裁革
中間事蹟甚多前志以其裁革皆廢而不修今未裁革以元
照舊與莆田仙遊二縣並列裁革以後事乃附見

一郡志惟宋紹熙志為最古

今人家所藏者皆元延祐間翻刻本初本已亡之矣然紹

熙志亦有誤者後人重修未免踵誤況中間有牽合傳會而
斷以已意者又加誤矣夫信以傳信疑以傳疑史家舊法中
間有誤須索據明白始敢改正若無索據姑以宋志為云

篇內凡言宋志者皆指宋紹熙而言

一年表郡縣正佐咸在而官監則擇其才行有可法者

一諸考之作蓋甚慎焉其說各見諸序引覽者詳之

一水利之設分為四綱蓋望為政君子逐事修理庶臻成效
一藝文志以關載郡縣學校水利等事詩辭以關郡縣山水
及本地事乃錄其他若寺觀記若人家祠堂記及諸文人他
項序記皆不在錄

一衛所為守護府縣而設衛無所志今并修之

一六紀內事類一時採訪未備考據未精其所以補正之者
深有望於後來同志諸君子

一六紀之修所以張治道也二氏於治道為別出故附外紀
其他若諸神廟於今為淫祠故皆不錄

重刊興化府志目錄

卷之一

更紀一

叙郡縣

叙官

叙吏

卷之二

吏紀二

府官年表

宋元國朝

卷之三

吏紀三

縣官年表

唐宋國朝

學官年表

宋元國朝

卷之四

吏紀四

官監上 治行

卷之五

吏紀五

官監下 治才

卷之六

吏紀六

勸駕錄

明經

儒士

秀才

賢良方正

聰明正直

人材

年勞錄

吏典

知印

承差

卷之七

戶紀一

山川考

莆田縣山水本末

莆田縣山水部位故興化縣廣業

里山水附

卷之八

戶紀二

山川考

仙遊縣山水本末

從見

仙遊縣山水部位故興化縣興

泰里山水附

卷之九

戶紀三

里圖考

莆田縣各里圖建置沿革廣業里附

街巷鄉村市鎮坊表隨里附入

仙遊縣各里圖建置沿革興泰里附

街巷鄉村市鎮坊表隨里附入

卷之十

戶紀四

戶口考

宋元國朝戶口消長

土田考 莆田仙遊興化三縣官民田地山數并原今起

科則例